



Broj: 05/7-50-13-370-34/17

Sarajevo, **21.2.2018.**

Z A P I S N I K

34. sjednice Vijeća nacionalnih manjina BiH, održane 21.2.2018.

Sjednica je počela u 17 sati.

Sjednicom je predsjedavao Tihomir Knežiček, predsjedavajući Vijeća nacionalnih manjina BiH.

Sjednici su prisustvovali članovi Vijeća nacionalnih manjina BiH: Andrija Svatok, prvi zamjenik predsjedavajućeg Vijeća nacionalnih manjina BiH, Tijana Vučurević, druga zamjenica predsjedavajućeg Vijeća nacionalnih manjina BiH, Halil Bicaj, Marija Grbić, Dejan Piotrovski, Eva Pašić-Juhas, Jovanka Manzalović-Šalaka, Hakan Varan, Velibor Kuvač, Dragan Marković, Todorka Jovanović, Vjeročka Gajić, Jakob Finci, Silvija Vujović, Mladen Radmilović i Davor Ebner.

Sjednici nije prisustvovao Nedžad Jusić.

Sjednici su, također, prisustvovali: Aida Kreho, sekretar Zajedničke komisije za ljudska prava, Branislava Vignjević, stručna savjetnica u Zajedničkoj komisiji za ljudska prava, i Anđelka Dobrilović-Rajak, stručna saradnica u Zajedničkoj komisiji za ljudska prava.

Članovi Vijeća nacionalnih manjina BiH usvojili su sljedeći

D N E V N I R E D

1. Usvajanje Zapisnika 33. sjednice Vijeća nacionalnih manjina BiH;
2. Obilježavanje 70. godišnjice Univerzalne deklaracije o ljudskim pravima;
3. Prijedlog razmatranja sistemskog rješavanja finansiranja rada udruženja nacionalnih manjina;
4. Razno:
 - Informacija o statusu izbora članova novog saziva Vijeća nacionalnih manjina BiH.

Ad.1. Usvajanje Zapisnika 33. sjednice Vijeća nacionalnih manjina BiH

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda, u kojoj su učestvovali: Dragan Marković, Tihomir Knežiček i Jovanka Manzalović-Šalaka. Nakon rasprave, članovi Vijeća nacionalnih manjina BiH prihvatili su prijedlog Dragana Markovića koji glasi:

„Potrebno je u zapisnicima Vijeća nacionalnih manjina BiH, počev od naredne sjednice, jasno navesti sve prihvaćene prijedloge izmjena i dopuna akata Vijeća nacionalnih manjina BiH o kojima se vodi rasprava.“

Vijeće nacionalnih manjina **jednoglasno je usvojilo** Zapisnik 33. sjednice Vijeća.

Ad.2. Obilježavanje 70. godišnjice Univerzalne deklaracije o ljudskim pravima

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Tihomir Knežiček, Dragan Marković, Andrija Svatok i Jakob Finci.

Vijeće nacionalnih manjina je, **sa 16 glasova „za“ i jednim glasom „suzdržan“, prihvatilo prijedlog da se** Vijeće nacionalnih manjina BiH uključi u obilježavanje 70. godišnjice Univerzalne deklaracije o ljudskim pravima:

1. učestvujući u aktivnostima koje provode udruženja nacionalnih manjina u BiH povodom obilježavanja 10. decembra - Dana ljudskih prava te
2. organiziranjem i održavanjem zajedničke svečane sjednice sa Zajedničkom komisijom za ljudska prava Parlamentarne skupštine BiH, Ministarstvom za ljudska prava i izbjeglice BiH, Vijećem nacionalnih manjina Republike Srpske i Vijećem nacionalnih manjina Federacije BiH.

Ad.3. Prijedlog razmatranja sistemskog rješavanja finansiranja rada udruženja nacionalnih manjina

Predsjedavajući Vijeća nacionalnih manjina BiH Tihomir Knežiček otvorio je raspravu o ovoj tački dnevnog reda. U raspravi su učestvovali: Eva Pašić-Juhas, Marija Grbić, Mladen Radmilović i Dragan Marković.

Nakon rasprave, članovi Vijeća upoznati su da je kolegijima domova Parlamentarne skupštine BiH upućen zaključak u kojem se Vlada Federacije BiH, Vlada Republike Srpske i Vlada Brčko Distrikta

BiH podsjećaju na odredbe Zakona o zaštiti prava pripadnika nacionalnih manjina BiH i pozivaju da dosljedno poštuju odredbe člana 8. ovog zakona koji glasi: „BiH, entiteti, kantoni, gradovi i općine u BiH dužni su u okviru svojih budžetskih sredstava osigurati sredstva radi ostvarivanja prava koja pripadaju nacionalnim manjinama po osnovu ovog zakona.“

Ad.4. Razno

U okviru ove tačke dnevnog reda članovi Vijeća nacionalnih manjina BiH upoznati su s procedurom izbora članova novog saziva Vijeća nacionalnih manjina BiH. Konkretnije, članovi Vijeća upoznati su da je Predstavnički dom Parlamentarne skupštine BiH na 56. sjednici, održanoj 31.1.2018., usvojio Prijedlog odluke o imenovanju članova Vijeća nacionalnih manjina BiH, dok isti dokument na 36. sjednici Doma naroda, održanoj 20.02.2018., nije prihvaćen. U raspravi koja je uslijedila, a u kojoj su učestvovali Tihomir Knežiček, Todorica Jovanović, Mladen Radmilović, Andrija Svatok i Dragan Marković, zaključeno je da je članove Vijeća potrebno na vrijeme obavijestiti o obnovi procedure izbora novog saziva Vijeća.

Sjednica Vijeća nacionalnih manjina BiH završena je u 17,45 sati.

Sastavni dio Zapisnika je tonski snimak 34. sjednice Vijeća nacionalnih manjina BiH.

Predsjedavajući Vijeća nacionalnih manjina BiH
prof. dr. Tihomir Knežiček